

آبونه شرائطی

ممالك عثمانیه ده سنه لکی (۶۵)، الق
آیلغی (۳۵) غروشدر .

ممالك اجنبیه ده سنه لکی (۱۷)، الق
آیلغی (۹) قرانقدور .

اداره خانه

باب عالی اجاده سنده دائره مخصوصه

اضطرابات

آبونه بدلی پشندور .

§

مملکه موافق آثار مع الممتوئیه قبول
اولنور . درج ابدله من یازیلر احاه
اولونماز .



۱۳۳۰

اضطرابات

رساله مزودن آلدیغی کو - قرامک شرطیه
بتون یازیلر هر هانکی بر غزنه طرفندن
اقتباس اولونه بیلیر .

§

مکتوبلرک، امضالرک واضح و اوقوتاقلی
اولمسی و آبونه صره نومردمی محتوی
بولومسی لازمدور .

§

ممالك اجنبیه ایچون آبونه اولانلرک
آدرسلیرک فرانسزجه ده یارلمسی دجا
اولنور .

§

پاره کوئدرلدیکی، ان نه یه د ژاولدیغنک
واضعا بیلدیلمسی دجا اولنور .

زده ، نظیری اولمیان بو محترم بنایی کورنجه آتش حجاب ایچنده یا ناماق ، یوزلری قیزارماق ، یرلره کچمه مک امکان خارچنده در .

ایشته شوکت اسلامیه نك سونمه سنی ، هلالك زمردین وطنمك رنگین سماندن افولنی ، صلیك اسلام آفاقده طلوعنی یكانه امل اتخاذ ایدن عالم نصرانیت بویه چالیشیور . مملکتلرنده کی اذواق مدنیه یی ، حضور وراحتی باطل دینلری یولنده فدا ایدرك عربستانك صوسر چولارنده ، صیحاك ساحلرنده بشر دین ایچون هر درلو مشاق و محنته مقاومت ایدیورلر .

فقط بزلر براهین ساطعه سیله بالعموم ادیانہ تحدی ایدن دین مینمك محافظه سی ایچون نه یایه بیلورز ؟ اوت بز عالم نصرانیتك متادی چالشمه . سنه مقابل درین برغلت کوستره ك حواب مسکنتدن اویامق ایستمدیکمزی ا کلاتیورز . آرتق یتشیر ! بودین دشمنلرینه امان و یرمیهلم . بونلره قارش قویه بیلیمك آنجق تدریسات اسلامیه یی بر آن اول اصلاح ایدوب مدافع دین یتشیدیره ك مؤسسات دینیه وجوده کتیرمك ایلر اولور .

بوکون دین جلیل اسلام ، احبابك - مسیورلرک ، اجانبك افسادیه - زیغ وضلاله اوغرا دیغنی ، عقائد حقنه نك صارصلا دیغنی ، بزم خواب غفلته طالیدیغمزی کوره رك فریاد ایدیور . دینك بوفریاد جانخراشدن بزلر هیچ متأثر اولمایورز ؛ چونکه اولسه ییق اعدانك مهاجاندن وقایه یه و بو وقایه نك ایجاب ایتدیکی تدابیره توسل ایدردك ؛ ظن ایدرسه م بو فریاد هر کسدن زیاده صماخ علمایه متوجهدر . چونکه صلاح دین ، اعتلای اسلام اونلرک چالشمه لرینه وابسته در . اسلاف کرام (رحمهم الله) وظیفه دینیه لرینی مع زیاده ایفا ایتشیر ، دینك مدافعه سی نه یه توقف ایدیورسه اونلر الله ایتکه چالشمشیر و موفق ده اولمشیر . بوسایه ده دینی مسالك باطله اربابك هجومندن محافظه ایشلردر .

بز بوکون اونلره خلف اولق ادعاسنده بولنیورسوق اونلر کی چالشمالی یز . بز هم نه قدر چالیشسوق اونلرک کرفتار اولدینی مزاحمه دوچار اولما یز . چونکه دینك اغلای شانسه وقف وجود ایدن او عالیجناب اسلامیت حامیلری بر حدینك صحتی او کرمك ایچون مملکتلری ، قطعه لری دور ایتشلردر . زمانمزه ایسه مطبوعات علوم وفنونی تسهیل ایتش ، بز یك چوق زحمتلردن قورتارمشدر . فقط عطا تمزدن ، کندیمزده فکر تشبثك مفقودیتندن شمدی یه قدر هیچ بر واسطه دن استفاده ایدمه مشیر .

بناء علیه بوندن صوکره اولسون چالشم . هیچ اولمازسه بیرونده وسائر یرلرده صرف دین عیسوینك بارلامسی ایچون آچیلان مؤسسه . لردن اوتانه رق بزده یا تخت بردانه مؤسسه اسلامیه وجوده کتیرم .

سبیل الرشاد ، ابتدائی اسلام مکتبلری کشادینه باشلادیکی ، بوکاده تشبث ایدرسه عون حقله موفق اوله جغه امیدم واردر . لزومی اولان یاره جهتنه کنجه سبیل الرشاد باشده اولونجه بوتون مسلمانلرک بشر غروش ؛ اونر غروش ، زکیکلرینک بشر لیرا ، اونر لیرا ؛ اک فقیرلرینک ده قرقر یاره اولسون ویره جکلرینه هیچ شبهه من یوقدر .

زیرا آرتق هر کس حقیقتی کورمش ، آ کلامشدر . سبیل الرشادك عالم اسلامده کی موقعی معلوم اولدینی جهتنه بو امر خیر عظیمه بوتون دنیا مسلمانلرینک معاونت ایدم جکلرینه امیز . صوکره حکومت ده بوکا مظاهرت و معاونت ایدر امیدنده یز . بالاده اسم عالیلرینی عرض ایتدیکم ذوات کرامك همان طویلانه رق بومستلایی تدقیق ومذاکره بیورملرینی بوتون طلبه علوم ارقداشلم نامنه استرحام ایدرم . دوشونملی ، طاشینالی ، حاصلی بو امر خیرك حصولی هر نه یه متوقف ایسه تشبث ایدوب میدانه کتیرمیلدر .

احتمالکه بوتشبنه معارض قاله جق کیمسه لر بولنور . چونکه بز عنعناته باغلی بر ملتکه اوندن بر لحظه - ولو ترکنك دین وملتیه فائده سی مجزوم اولسون - آیرلق ایسته میز . بری طرفدن حسیات دینیه و ملیه یی رنجیده ایدم جک تجاوزلره معروض قالیرزده هیچ آلدیرما یز . حالبوکه بوکی یرلرده تجدد کوسترمك واجبدر . شمدی یایله جق معارضه لره قطعاً اهمیت و یرمه میلدر . بونلرک مدت دوامی ایکی اوج آیدن عبارت قاله جقدر . عمارتلك لغوی مسئله سنده ده بویه اولما مشمیدی ؟ اوزمان نه قدر صدای اعتراض یوکسلمشدی ؟! فقط بوکون طلبه نك احتیاجاتی مهما امکان تأمین ایتدیکی کوریلرک استحسان اولنیور . ایشته نمونه مدرسه سی مسئله سی ده بویه اوله جق ؛ برسنه لك بر تجربه معارضه بر جواب بلیغ تشکیل ایدوب اونلری اسکا نه کافی کله جکدر ، متشبثلرینی دخی بتون مسلمانلر تشکرلر ، تقدیرلر ایچنده براقه جقلردر . کندیمزده حسن نیت بولنجه جناب حقك دائماً موفقیت احسان ایدم جکندن امید وار اولمالی یز

طلبه علومدن

برکلی : م . صالح و جدی

الواح انتباه

فاعتبروا یا اولی الابصار !

روم ایلی مزری چیکنه یی ، بیقان ، یاقان بالقانچیلرده بتون مسلمانلرجه نظر دقته آلمسی لازم کن تظاهرات و معاونات ملیه نك ؛ برچوق مطبوعاتك ، بلکه ده عموم عثمانلی مطبوعاتك ستونلر ، صحیفه لر دولوسی نشریاتنه ، بوباده یازیلان برچوق آثاره ، حتی کتابلره رغماً هیچ ده اهمیت آلمادیغنی ؛ بالقان دولتلرینک ، افرادنده کی بوتظاهرات ملیه دن نه قدر بیوک استفاده لر یایدیغنی و حتی روم ایلیلی عثمانلی ! خرسیتانلرینک ینه بو حسیات ملیه لرندن حکومت مستولیه نك نه مرتبه ثمرات اقتطاف ایتدیکنی ده . هیچ می هیچ دوشونم بکمزی بیوک تأثرلره . کوریورز ! هرکون ، هر دقیقه کورور ، ایشیدیرسکنز ؛ بالقانلیر هر هانکی مملکتیه کیرمشلرسه ده اودقیقه او مملکتک بر اسلام ، بر عثمانلی شهری اولدیغنی بیلدیره جک نه وارایسه تبدیل ایتدیلر . قوجاقده کی چوجقلردن

طوتوکنز اگا باباسنه ملاقی اولق اوزره حاضرلاران بر ایاغی چوقوردکی اختیاریله ، کورلره ، طویالره وارنجه هپسنگ البسهلری ؛ حاکم اولان دولتک بایراغنی تشکیل ایدن رنکلرده ؛ عمومک باشنده او دولتک قبول ایتدیکی سربوش . هیچ اونو تمام سکسان بشلک بر اختیار روم ، سیروزه بلغارلرک کلدیکی کون باشندن فسنی چیقاراماش . بلغارلر بونی کوروونجه فسنی یرتدیلر ، صوکراده روم اولدیغنی لسانندن اکلادقلری ایچون اوزرینه برده دایاق آتدیلر . عینی کونده بر بلغار دلیقانلیسی هر ناصلسه فسنی آتغنی اونوتمش . سن آدم اولمایه جقسک دیه حریری حبسه طیقادیلر .

بتون دکانلرده قرمز بیاضی بردهلر ، موشامبالر یرتیلدی ؛ آیلی بیلدیزلی جاملر ، جامکانلر قیریلدی ؛ اسکیدن قرمزیه ، بیاضه بویانان خانهلرک ، اوتلرک وسائریرلرک بویالری دکشدی . همده جبرا ، قوجه سیروزک رنکی بیلر اوج کون ظرفنده بلغارلاشدی .

هیچ بر بلغار ، روملردن ، مسلمانلردن ، یهودیلردن الیش ویریش ایتیورلردی . بونلر سیروزه کلدکلری زمان اوراده هیچ بلغار دکان ومغازه سی موجود اولدیغنی کوردیلر . همان اوج بش بلغار بیوجک بر بقالیه شرکتی آچدیلر . یان طرفده بر کتابچی وکاغذچی دکانی ، اوتده بر قرائتخانه ، ده اوتده بر غازینو ، براوتل ، برلوقظه کشاد ایلدیلر . طقوز آی سیروزه دوردیلر . بر بلغار بلغاردن باشقه کیمسه یه اون پاره ویرمدی . پاره سز آلدقلری مستثنا !!!

یالکز بوقدر دکل . دکانلرده ، غازینولرنده ، اوتلارنده هر شیرلنده کی آدملری ، خدمتچیلری ده بلغار ، بلغار چوجقلری . غزته بایملری اونلرده بلغار . تحف ؛ برایکی قبلی چوججی بلغارلره غزته صائق ایچون قبول اولونمشلر . ایکی اوج کون غزته صاندیلر . چوجقلرک بریسی غزته صاتارکن « پراوو اون پاره » دیه ناغردینی ایچون قوغولمش . دیگرکی « دهست باری پراوو » دیه صاندینی ایچون الی نهاییه بایعلکده قالمشدر .

بر بلغار هیچ بر زمان بلغارجه دن باشقه بر لسان ایله سویله میور . بر بلغار بر مسلمان ایله کوروشه جکی زمان اولا بلغارجه سویلر ، انحق مسلمانک بلغارجه بیلمدیکی اکلارسه اووقت ترکجه سویلکه باشلار وقیزار . بر بلغار غازینوسنده ، بر بلغار لوقظه سنده کی خدمده بلغار . جه دن ماعدا بر صدا ایشیده مزسکنز . بتون مغازه لر ، دکانلر ، خانلر ، حاملر ، حتی عثمانلی بانکه سی ، آمریقان سینکر قومپانیه لری کی مؤسسات اجنبیه بیلر قایلرینه همه حال بلغارجه و بیوک یازی ایله برر لوحه قویغه مجبور .

بونده بر قاچ درلو فائده کوریورلر : ۱ - حاکیت ، ذوق ملی ؛ هر هانکی ماته منسوب اولورسه اولسون بتون دکانلرده ، مغازه لرده بیوک حروفات ایله بلغارجه نی کورمک . ۲ - انتظام ؛ بتون چارشیلرده یکنسق لوحه لرله تزینات . ۳ - بلدییه واردات ؛ هر لوحه ایچون سنده ایکی تقسیط اولق اوزره اون فرانغه قدر رسم (بونک برنجی

تقسیطی سیروزه طقوز بیک فرانق طوتمشدی . شهرامانتک نظر دقتی جلب اولنور .) ۴ - مشتربلرک دکانی اکلامسی ؛ بلغارمی در مسلمان میدر ؟ روم میدر ؟ بونی اکلایندره بر بلغار بلغاردن ماعداسنک دکانه کیرمه سین . ذاتا کیره مز . کیرسه بونک ایچون تشکل ایتش خصوصی بر قویته نک جزاسندن یاقه نی قورتاراماز .

شمدی ای قوجه مسلمانلر ؛ بونلرک بوحالریخی ، صوکراده الله عشقنه بر کرده کندی مملکت مزده کندی حالزی کوزکز اوکنه کتیرکز . ده صوکراده استقبالنز حقنده ویریلرک حکمی ویریکز . بویازدقلری بیلدبکک زده بن شبهه ایتهم . فقط بونلرک نظر دقتی الندیغنی کوره مدم . ممالک اجنبیه ده ، بالخاصه بالقانلرده عثمانلی اولمایانلرک عثمانلیلره مخصوص فس کیمه لری ملی جنایتلردن معدود ایکن و عثمانلیلر بیلر سربوش ملیرینی حر ، سربست کیمکدن عادتاً ممنوع ایکن بزم مملکتلر مزده اجنبیلرک دکل ، غیر مسلم عثمانلیلرک بر کره قفالرینه باقیک ؛ نه قدرنده فس کوره جکسکنز ؟

غیر مسلم محله لرده قاچ دانه مسلمان بقالی ، مغازه سی بوله بیلر سکنز ؟ چارشیده ، بازارده مسلمان دکانلر نده نه قدر غیر مسلم کوره بیلر سکنز ؟ بردفعده مسلمان محله لرینی کوزدن کچیرکز ، هپسندره بر اجنبی بقالی که مشتربلرینک اوزده طقوزی مسلماندر . دوشونم یورز که کندی پاره . مزله هم اوکا خدمت ، همده دیگر بردشمن دولته معاونت ایدیورز . چمنکه شبهه مز اولماسین که او بقالک ، اومانیفاطوراجینک پنجره سی باشقه بر یا تخته ناظر در .

هیچ شبهه مز اولماسین که بوسولوکلر عثمانلی دولته ویردکلری ویریکلردن فضله دشمنلرده ویرکی ویریورلر . فقط بزدن قازانیورلرده ویریورلر . بز اونلره ویریورلرده اونلر ویریورلر .

دها ایلری کیده جکم : بزده هیچ اوتانمقده یوق . بر مسلمان لوقانطه سنه کیررسکنز . اون دانه غار سنک سکزی باشقه تبعه دن . لوقانطه ایچنده « ارخومه ، آمه سوسدن » کچلمیور . لوقظه جی اوتانمیور ، مشتری ده صیقلمابور . اوتلر مزده بویله ، غازینولر مزده بویله ، واپورلر مزده بویله ، هر شیمز بویله . ز چالشیورز ، اونلر قازانیور . بونلری آچیق آچیق سویله ملی یز . غار بونلری ایستدیکمز کی کیمسه لر اولمایان ، ایچنده ترکجه تکلم اولونمایان یرلره کیرمه یه جکمز اکلایلی و کیرمه ملی یز . آلیش ویریشیمزی ممکن اولدینی قدر مسلمانلردن بایملی . کندی پاره مزی کندی مملکت مزده براقالی یز . کوردک ، کوز مزله کوردک ، دنیا ده آکلادی ، بونلرک روحلری ، ایمانلری ، ایده آلری بتون دنیا به معلوم اولدی . خوش ؛ ینه بزی سوه نلری دایما سوه رز ؛ خالص ، اوزی ، سوزی عثمانلی وطنداشلی دایما کوزل کوزله کورورز ، فقط اونلرک منفعتی ایچون کندی ضرر مزه چالیشه مایز . تأسف اولنور که بونی اونلر اکلادی ده حالا بز اکلایمق .

مفتی زاده

م . اسمع